

Skikrinsstyret@

Sakshand.: IN/FÅ

Dato: 08.01.2020

Arkivk.: styret/møter/protokoll/19-21

| |
|--|
| PROTOKOLL TIL MØTE NR. 03 I SKIKRINSSTYRET, 2019-2021 |
|--|

Stad: Telefonmøte

Tidspunkt: Onsdag 8. januar 2020, kl. 20.00-21.00

Sakliste

REFERATSAKER

SAK 43 19-21 Godkjenning av innkalling og sakliste

SAK 44 19-21 Godkjenning av protokoll nr. 02 19-21 frå Skikrinsstyret

DISKUSJON- OG VEDTAKSAKER

SAK 45 19-21 Høyringsnotat frå Organisasjonsutvalet til NSF

ORIENTERINGSSAKER

SAK 46 19-21 Fylkeskommunalt driftstilskot til skianlegg

EVENTUELT

TIL STADES: Finn Årdal, Hallvard Nygård, Margot Åsebø, Tonje Norheim Tangerud, Per Asbjørn Felde, Tor Arne Hov, Jan Inge Årdal og Ingrid Narum (adm.)

FORFALL:

MERKNADER:

REFERENT: Ingrid Narum

REFERATSAKER

SAK 43 19-21 Godkjenning av innkalling og sakliste

Bakgrunn

Innkalling og sakliste er sendt ut på førehand.

VEDTAK

Skikrinsstyret godkjenner innkalling og sakliste.

SAK 44 19-21

Godkjenning av protokoll nr. 02 19-21 frå Skikrinsstyret

Bakgrunn

Protokoll frå styremøte nr. 02 19-21 er sendt ut tidlegare, og er godkjent elektronisk. Protokollen er også lagt ved som eige vedlegg.

VEDTAK

Skikrinsstyret godkjenner protokoll nr. 02 19-21.

DISKUSJON- OG VEDTAKSAKER

SAK 45 19-21

Høyringsnotat frå Organisasjonsutvalet til NSF

Bakgrunn

Organisasjonsutvalet til Norges Skiforbund, som ser på skiforbundet sin politiske styringsmodell, har komme med eit høyringsnotat.

Utvalet ber om høyringssvar frå skikretsar og greinkomitear.

Høyringsnotatet med vedlegg finn ein også på denne sida;

<https://www.skiforbundet.no/norges-skiforbund/organisasjonsutvalget/>

Frist for høyringssvar til utvalet er 13. januar 2020.

Saka vart diskutert i styremøte 02.12.2019, der styret gjorde vedtak om at styreleiar og adm. lagar eit framlegg til høyringssvar som vert sendt styret for innspel og godkjenning.

Framlegg til høyringssvar er lagt ved.

Styret drøfta saka og høyringssvaret i møtet.

VEDTAK

Skikrinsstyret gjer vedtak om at styreleiar og adm. lagar til eit nytt framlegg til høyringssvar på bakgrunn av drøftingar i møtet.

Nytt framlegg vert sendt til styret for godkjenning før endeleg høyringssvar vert sendt inn.

ORIENTERINGSSAKER

SAK 46 19-21

Fylkeskommunalt driftstilskot til skianlegg

Bakgrunn

Ordninga med fylkeskommunalt driftstilskot til skianlegg vart orientert om i styremøte 02.12.2019, sak 41 19-21.

Adm. er blitt gjort kjent med informasjon frå Vestland fylkeskommune og at driftstilskotet ikkje blir vidareført i budsjett for 2020. Jf. vedtak i fylkestinget 17.-18. desember 2019 og s. 38 i [budsjettdokumentet](#) til fylkeskommunen:

«Midlar til utviklingsarbeid og drift av idrettsanlegg med avtale ut 2019 på samla 345 000 vert ikkje vidareført. Idrettsarbeid er styrka ved overføring av tilskotsmidlar frå idrettsprosjekt.»

Fylkeskommunen viser elles til at kvar av dei tidlegare fylkeskommunane har informert dei aktørane som fekk driftsstøtte frå budsjetta i hhv. Sogn og Fjordane og Hordaland, om ny ordning gjeldande frå Vestland fylkeskommune frå 2020. Ordninga vart lyst ut og gjort godt kjend i 2019.

På grunnlag av budsjettsøknadene har administrasjonen i Vestland fylkes-



kommune hatt budsjettmøte med dei store organisasjonane på kultur- og idrettsfeltet før framlegginga av budsjettet.

Adm. har førespurt Idrettskrinsen om dei har delteke i budsjettmøte til fylkeskommunen. Verken Sogn og Fjordane idrettskrins eller Vestland idrettskrets har deltek i møte der denne ordninga har vore drøfta i budsjett-samanheng.

Adm. og Hallvard N. orienterte om saka i møtet.

VEDTAK

Skikrinsstyret tek saka til orientering, og gjer vidare vedtak om at styreleiar går i dialog med Vestland idrettskrets.

Aktuelle anlegg som har fått fylkeskommunalt driftstilskot vert gjort merksam om vedtaket til fylkeskommunen om at driftstilskotet ikkje blir vidareført i budsjett for 2020. Adm. følgjer dette opp.

EVENTUELT

Med venleg helsing
Sogn og Fjordane Skikrins

Finn Årdal (s)
Styreleiar

Ingrid Narum (s)
Adm. sjef

Vedlegg SAK 44 19-21 Godkjenning av protokoll nr. 02 19-21 frå Skikrinsstyret

Skikrinsstyret@

Sakshand.: IN/FÅ

Dato: 03.12.2019

Arkivk.: styret/møter/protokoll/19-21

PROTOKOLL TIL MØTE NR. 02 I SKIKRINSSTYRET, 2019-2021

Stad: Skei, Thon Jølster Hotell

Tidspunkt: Måndag 2. desember 2019, kl. 17.00-21.00

RAMMEPROGRAM, MÅNDAG 2. DESEMBER 2019

| Program | Tidspunkt | Saker |
|-----------------------|-----------------|-----------|
| Møte i Skikrinsstyret | Kl. 17.00-18.00 | Sak 22-30 |
| Middag, juletallerken | Kl. 18.00-18.45 | |
| Møte i Skikrinsstyret | Kl. 18.45-21.00 | Sak 31-42 |

Erik Røste (Skistyret) deltek på møtet, og informerer og svarer på spørsmål.

Sakliste

REFERATSAKER

- SAK 22 19-21** Godkjenning av innkalling og sakliste
SAK 23 19-21 Godkjenning av protokoll nr. 01 19-21 frå Skikrinsstyret
SAK 24 19-21 SFSK AK protokoll nr. 02 19-21
SAK 25 19-21 SFSK AK referat Haustmøtet 2019
SAK 26 19-21 SFSK LK protokoll nr. 02 19-21
SAK 27 19-21 SFSK LK referat Haustmøtet 2019
SAK 28 19-21 SFSK HKK protokoll nr. 02 19-21
SAK 29 19-21 SFSK HKK referat Haustmøtet 2019

DISKUSJON- OG VEDTAKSAKER

- SAK 30 19-21** Klubbundersøkinga 2019
SAK 31 19-21 SFSK Handlingsplan 2019-2021
SAK 32 19-21 Fluorforbodet
SAK 33 19-21 Organisasjonsprosess i fellesadministrasjon i NSF
SAK 34 19-21 Høyringsnotat frå Organisasjonsutvalet til NSF
SAK 35 19-21 Budsjett 2020
SAK 36 19-21 Møteplan 1. halvår 2020

RAPPORTERING

- SAK 37 19-21** Rekneskapsrapport pr. 21.11.2019

ORIENTERINGSSAKER



SOGN OG FJORDANE
SKIKRINS

| | |
|---------------------|--|
| SAK 38 19-21 | Sogn og Fjordane-leikane |
| SAK 39 19-21 | Utedagen 2020 |
| SAK 40 19-21 | Utstyrspakke skileik |
| SAK 41 19-21 | Fylkeskommunalt driftstilskot til skianlegg |
| SAK 42 19-21 | Idrettsordningar på vidaregåande skule |

EVENTUELT

| | |
|--------------------|---|
| TIL STADES: | Finn Årdal, Hallvard Nygård, Margot Åsebø, Tonje Norheim Tangerud, Per Asbjørn Felde, Tor Arne Hov, Jan Inge Årdal, Erik Røste (Skistyret) og Ingrid Narum (adm.) |
| FORFALL: | Henning Sæthre |
| MERKNADER: | Jan Inge Årdal (nestleiar HKK) møtte i stadenfor Henning Sæthre (leiar HKK) |
| REFERENT: | Ingrid Narum |

REFERATSAKER

| | |
|---------------------|--|
| SAK 22 19-21 | Godkjenning av innkalling og sakliste Bakgrunn Innkalling og sakliste er sendt ut på førehand. VEDTAK Skikrinsstyret godkjenner innkalling og sakliste. |
| SAK 23 19-21 | Godkjenning av protokoll nr. 01 19-21 frå Skikrinsstyret Bakgrunn Protokoll frå styremøte nr. 01 19-21 er sendt ut tidlegare, og er godkjent elektronisk. Protokollen er også lagt ved som eige vedlegg. VEDTAK Skikrinsstyret godkjenner protokoll nr. 01 19-21. |
| SAK 24 19-21 | SFSK AK protokoll nr. 02 19-21 Bakgrunn Protokoll frå møte nr. 02 19-21 i alpinkomiteen er vedlagt. VEDTAK Skikrinsstyret tek protokollen til orientering. |
| SAK 25 19-21 | SFSK AK referat Haustmøtet 2019 Bakgrunn Referat frå alpinkomiteen sitt Haustmøte er vedlagt. VEDTAK Skikrinsstyret tek referatet til orientering. |
| SAK 26 19-21 | SFSK LK protokoll nr. 02 19-21 |

Bakgrunn

Protokoll frå møte nr. 02 19-21 i langrennskomiteen er vedlagt.

VEDTAK

Skikrinsstyret tek protokollen til orientering.

SAK 27 19-21**SFSK LK referat Haustmøtet 2019****Bakgrunn**

Referat frå langrennskomiteen sitt Haustmøte er vedlagt.

VEDTAK

Skikrinsstyret tek referatet til orientering.

SAK 28 19-21**SFSK HKK protokoll nr. 02 19-21****Bakgrunn**

Protokoll frå møte nr. 02 19-21 i hopp- og kombinertkomiteen er vedlagt.

VEDTAK

Skikrinsstyret tek protokollen til orientering.

SAK 29 19-21**SFSK HKK referat Haustmøtet 2019****Bakgrunn**

Referat frå hopp- og kombinertkomiteen sitt Haustmøte er vedlagt.

VEDTAK

Skikrinsstyret tek referatet til orientering.

DISKUSJON- OG VEDTAKSAKER**SAK 30 19-21****Klubbundersøkinga 2019****Bakgrunn**

Norges Skiforbund gjennomførte ei klubbundersøking hausten 2019 for alle skiklubbar.

Svara seier noko om:

- Dagens situasjon i klubb
- Klubbane sine ynskjer og behov frå Norges Skiforbund og skikretsen framover
- Klubbane sine innspel til prioriterte oppgåver dei neste fire åra

Frå Sogn og Fjordane kom det 27 svar av totalt 469.

Svar frå klubbundersøking i Sogn og Fjordane er lagt ved som eige vedlegg.

Følgjande svar i klubbundersøkinga for Sogn og Fj. (utvalde spørsmål):

- 60 % er kjent med Skiforbundets utviklingsmodell (SUM)
- Korleis rekrutterast nye medlemar til idrettslaget/skigruppa (kan velje fleire svaralternativ)?
 - 72 % gjennom Telenor Karusellen
 - 44 % frå skule/SFO
 - 41 % frå allidrett
 - 38 % gjennom egne rekrutteringstiltak

- 24 % frå skiskular
- Tre største utfordringane for rekruttering av medlemmar:
 - 72 % Konkurransen frå andre idrettar/aktivitetar
 - 38 % Manglande snø
 - 24 % Andre utfordringar
- 82 % svarar at det i klubben er enkelt for barn 6-12 år å vere aktiv i fleire idrettar samtidig
- 55 % svarar at det i klubben er enkelt for ungdom 13-16 år å vere aktiv i fleire idrettar samtidig
- I kva aldersgrupper opplever idrettslaget/skigruppa størst fråfall (kan velje fleire svaralternativ)?
 - 74 % 14-15 år
 - 40 % 12-13 år
 - 33 % 16-17 år
- Tre største årsakene til fråfall:
 - 81 % Konkurransen frå andre idrettar/aktivitetar
 - 29 % Anna
 - 26 % For kostbart/ manglande sosialt miljø
- Tre største utfordringane for idrettslaget/skigruppa m.t.p. gjennomføring av arrangement?
 - 57 % Snø
 - 53 % Tilgang på funksjonærar/frivillige
 - 32 % Anleggsfasilitetar
- Kva kurs kunne de tenkt dykk meir av (flere svaralternativ er mogleg)?
 - 80 % Kurs for aktivitetsleiarar og trenarar
 - 38 % Kurs for anleggsutvikling
 - 30 % Kurs for arrangørar, TD/dommar
- Tre største barrierane for å delta på kurs:
 - 75 % For lang reiseveg til kurset
 - 71 % For tidkrevjande
 - 35 % Kurser er for omfattande
- For at flest mogleg frå idrettslaget/skigruppa skal delta på kurs bør kurset haldast:
 - I lokalt anlegg
 - På kveldstid på ein vekedag
 - Samtidig som skigruppa har trening/aktivitet
- Tre viktigaste områda innanfor aktivitetsutvikling organisasjonen bør prioritere i perioden 2020 til 2024:
 - 84 % Rekruttere nye medlemmar
 - 57 % Minske fråfall av utøvarar
 - 53 % Utdanne gode trenarar

- Tre viktigaste områda innanfor organisasjonsutvikling organisasjonen bør prioritere i perioden 2020 til 2024:
 - 89 % Styrke idrettslaga
 - 74 % Bygge og drifte snøsikre anlegg
 - 55 % Arbeide mot økonomi som barriere
- Har idrettslaget/skigruppa hatt besøk frå Skiforbundet/skikretsen dei siste tre åra?
 - 60 % Ja
 - 35 % Nei

Utvalde svar vart presentert i møtet.

VEDTAK

Skikrinsstyret tek saka til orientering.

SAK 31 19-21

SFSK Handlingsplan 2019-2021

Bakgrunn

SFSK sin handlingsplan er lagt ved som eige vedlegg.

I samband med møtet skal Skikrinsstyret drøfte skikrinsen sine tiltak, oppdaterte handlingsplan med omsyn til status, samt avklare vidare ansvarsfordeling.

VEDTAK

Skikrinsstyret tek saka til orientering, og gjer vidare vedtak om å følgje opp handlingsplanen i høve til drøfta arbeidsfordeling og tidsfristar.

SAK 32 19-21

Fluorforbodet

Bakgrunn

Langrennskomiteen (NSF) gjorde vedtak i etterkant av Haustmøtet 2017 om å innføre eit fluorforbod i klassane til og med 16 år, men først når det finst sikre kontrollmetodar som kan identifisere fluor under skia før start i skirenn.

Fram til dette forbodet trer i kraft oppmoda ein alle skikretsar og klubbar til å nytte gliprodukt utan fluor – i alle skirenn – spesielt til og med 16 år.

Kretsar og klubbar kunne vedta oppmodingar, men dette kunne ikkje kommuniserast som regel eller forbod.

Følgjande vart vedtatt i Skikrinsstyret 11. desember 2017:

Skikrinsstyret tek saka til orientering, og gjer vidare vedtak om å oppmode at alle arrangement approbert i Sogn og Fjordane Skikrins si terminliste skal vere «fluorfrie». Dvs. at ein oppmodar alle klubbar å nytte gliprodukt utan fluor – spesielt i årsklassane til og med 16 år.

Frå sesongen 2018-2019 vedtok Langrennskomiteen, Alpinkomiteen og Hoppkomiteen i NSF forbod mot bruk av fluorhaldige gliprodukt for klassane til og med 16 år.

Skikrinsstyret tek stilling til om vedtaket frå 11.12.2017 framleis skal vere gjeldande.

VEDTAK

Skikrinsstyret tek saka til orientering, og gjer vidare vedtak om sterkt å oppmode om at det i alle arrangement i Sogn og Fjordane Skikrins si terminliste kun skal nyttast fluorfrie gliprodukt i sesongen 2019/20. Dette gjeld i alle greiner og også i klassane over 16 år som ikkje kjem under fluorforbødet til Norges Skiforbund.

SAK 33 19-21

Organisasjonsprosess i fellesadministrasjon i NSF

Bakgrunn

Sidan januar 2019 har det pågått ein organisasjonsprosess i fellesadministrasjonen i NSF.

Det vart orientert i møtet om prosessen, og styret drøfta saka.

VEDTAK

Skikrinsstyret tek saka til orientering.

SAK 34 19-21

Høyringsnotat frå Organisasjonsutvalet til NSF

Bakgrunn

Organisasjonsutvalet til Norges Skiforbund, som ser på skiforbundet sin politiske styringsmodell, har komme med eit høyringsnotat.

Utvalet ber om høyringssvar frå skikretsar og greinkomitear.

Høyringsnotatet er tidlegare sendt ut til Skikrinsstyret pr. e-post.

Høyringsnotatet med vedlegg finn ein også på denne sida;

<https://www.skiforbundet.no/norges-skiforbund/organisasjonsutvalget/>

Frist for høyringssvar til utvalet er 6. januar 2020.

Styret drøfta saka i møtet.

VEDTAK

Skikrinsstyret tek saka til orientering, og gjer vidare vedtak om at styreleiar og adm. lagar eit framlegg til høyringssvar som vert sendt styret for innspel og godkjenning.

Presentasjon til saka er vedlagt.

SAK 35 19-21

Budsjett 2020

Bakgrunn

Framlegg til rammer for budsjett for 2020 er lagt ved som eige vedlegg.

Administrasjonen sitt framlegg til budsjett for 2020 balanserer, med årsbudsjetterte driftsinntekter på kr. 3 120 000,- og årsbudsjetterte driftskostnader på kr. 3 120 000,-.

Rammene for inntektene er i hovudsak basert på markedsinntekter, lagskontingent (årskontingent), tilskot frå idrettskrins, tilskot frå fylkeskommune, tilskot frå NSF (post 3 midlar), momskompensasjon, rennavgifter samt eigendelar frå løparar/ føresette og klubb.

Administrasjonen ber skikrinsstyret vere merksame på følgjande:

- Markedsinntektene til Sogn og Fjordane Skikrins er budsjettert på omtrent same nivå som i 2018 (Fjord1 (alpint) går noko ned i 2020, SFE (hopp/ langrenn) går noko opp i 2020, jf. nye samarbeidsavtalar frå 2019).
- Markedsavtalane til skikrinsen skal ikkje reforhandlast i budsjettåret 2020.

Det er elles budsjettert med post 3-midlar (Norges Skiforbund) på totalt kr. 30 000,- fordelt på Rekrutteringsprosjektet, paraidrett, samt kurs og utdanningsverksemd.

Prinsippet med fordelingsnøkkelen knytt til markedsinntektene, der 88% av inntektene blir ført vidare til greinkomiteane medan AU held igjen 12% til eiga drift, er lagt til grunn i framlegg til budsjett.

ARBEIDSUTVALET

Styret

I samband med aktiviteten til styret er det budsjettert med ca. kr. 150 000,- i kostnader.

Kostnadane til styret er i hovudsak knytt til møter, telefonmøte, reiserekningar, samt reise og overnatting i samband med sentrale møter (Vårmøte og Haustmøtet 2020).

Ver merksam på at Skikrinsstyret gjennom sitt budsjett også dekkar reise og overnatting for representantar frå greinkomiteane i samband med Norges Skiforbund sine Vår- og Haustmøter (i tråd med tidlegare praksis).

Krinsting

Det skal ikkje haldast krinsting i 2020.

Drift administrasjon

Markedsinntekter

Samla budsjetterte markedsinntekter i 2020 er ca. kr. 900 000,- etter at meirverdiavgifta er trekt frå samarbeidsavtalane med Sparebanken Sogn og Fjordane og Sparebanken Vest.

Tilskot frå idrettskrins

Det er budsjettert med kr. 100 000,- i tilskot frå Idrettskrinsen (fylkeskommunalt tilskot), om lag same nivå som rekneskapstala for 2019 syner. Her bør ein merke seg at tilskotet sannsynlegvis vil bli redusert når Idrettskrinsen går inn i Vestland idrettskrets frå 01.01.2020. Saka skal handsamast på Idrettskretstinget i april 2020.

Lagskontingent

Lagskontingenten (årskontingent) er budsjettert ihht. til vedtak i samband med Skikrinstinget 2017 og på same nivå som 2019, og utgjør samla ca. kr. 200 000,-.

Momskompensasjon

Jf. tidlegare retningslinjer for utbetaling av momskompensasjon er denne tilskotsordninga budsjettert med ca. kr. 160 000,- (samla for skikrinsen). Dvs. ca. 5% av sum driftskostnader for organisasjonen.

Det er elles verdt å merke seg at momskompensasjonen er fordelt i høve til prosentvis andel budsjetterte driftskostnader for AU og respektive greinkomitear.

IT kostnader

IT kostnadane er budsjettert med kr. 20 000,-, ca. kr. 15 000,- mindre enn budsjettet for 2019 viser. Kostnader med internett på krinskontoet er tatt vekk, då det ikkje er behov for eige internett ved Idrettens hus.

Lagbesøk

Under lagsbesøk er det budsjettert med kostnader knytt til klubbutvikling både i klubb og sone, inkludert korte kurs i klubb.

Årsbudsjettert resultat på dette prosjektet er kr. – 20 000,-.

Rekrutteringsprosjekt

I rekrutteringsprosjektet er det budsjettert med tilskot til tekniske arrangørar av rekrutteringstiltak i 2020 på kr. 10 000,-.

Det er vidare budsjettert med eit tilskot på kr. 10 000,- til rekrutteringsprosjektet frå NSF (post 3 midlar).

Det er budsjettert med at prosjektet skal balansere.

Paraidrett

Innanfor område paraidrett er det budsjettert med 2 stk. ski- og snøsamlingar som blir gjennomført i lag med NAV Hjelpemiddelsentralen.

Inntektene er budsjettert med eit tilskot frå NSF (post 3-midlar) på kr. 10 000,-, medan kostnadane er relatert til leige av skianlegg.

Det er budsjettert med at prosjektet skal balansere.

Trenarkurs/ utdanning

Innanfor trenarkurs/ utdanning er det lagt opp til eit budsjett i balanse. Inntektene er relatert til vaksenopplæringstilskot, post 3-midlar og kursinntekter, medan kostnadane er relatert til honorar og reisekostnader til kurslærar, leige av lokale m.m.

Det er budsjettert med at prosjektet skal balansere.

Utedagen

Prosjektet *Utedagen* vert vidareført og det er m.a. budsjettert med kr. 100 000,- i offentlege tilskot. Dette tilskotet baserer seg på utviklingsavtale med fylkeskommunen.

På kostnadssida er det budsjettert med opplæring av instruktørar og lærarar, honorar og reise til instruktørar, og prosjektoppfølgjing.

Det er budsjettert med at prosjektet skal balansere.

Prosjektmidlar

Jf. handsaming og vedtak av langtidsbudsjett på Skikrinstinget 2019 går Prosjekt Telemark/ Randonee over til å gjelde prosjekt for alle greiner.

I utgangspunktet var prosjektet meint som oppstartsmidlar for Telemark-/ Randoneekomité. Komiteen var lagt ned av Skikrinstinget 2019.

Det er ikkje budsjetterte med inntekter på dette prosjektet. Kostnadsartane er usikre, men det er lagt opp til eit rammebudsjett på kr. - 30 000,-.

ALPINKOMITEEN

Alpinkomiteen sitt budsjett balanserer med kr. 911 000,- i driftsinntekter og kr. 911 000,- i driftskostnader.

Drift komité

Det er budsjettert med kr. 396 000,- i overføring av markedsinntekter, jf. samarbeidsavtalane med Fjord1, Bilhuset Førde, COOP Nordvest SA og Sparebanken Vest.

Samarbeidsavtalen med Fjord1 går noko ned i avtalesum for 2020.

Det er også lagt inn kr. 20 000,- i lisensar/ rennavgifter. Dette er omlag same nivå som budsjett for 2019 viser.

Årsbudsjettert resultat på dette prosjektet er kr. 421 000,-.

NM

Ifbm. NM er det budsjettert med at ein dekkjer startkontingent for aktuelle utøvarar – budsjettert kostnad kr. 15 000,-. Dette er omlag same nivå som rekneskap for 2019 viser.

Årsbudsjettert resultat på dette prosjektet er kr. – 15 000,-

Jr. NM

Ifbm. Jr. NM er det budsjettert med at ein dekkjer startkontingent for aktuelle utøvarar – budsjettert kostnad er kr. 10 000,-. Dette er omlag same nivå som rekneskap for 2019 viser.

Årsbudsjettert resultat på dette prosjektet er kr. – 10 000,-.

HL

På Hovudlandsrennet og Landsfinalen er det budsjettert med honorar, reise

og overnatting til hovudleiar i tillegg til startkontingent for utøvarane. Det er også budsjettert med forskottering av overnattingskostnader samt refusjon av desse (inntekter).

Årsbudsjettert resultat på dette prosjektet er kr. – 55 000,-.

Cup

Ifbm. Fjord1 rekrutteringstiltak er det budsjettert med kr. 15 000,- i kjøp av premiar.

Årsbudsjettert resultat på dette prosjektet er kr. – 15 000,-.

FIS-renn

Til FIS-renna i alpint er det budsjettert at krinsen dekkar startkontingent på 5 FIS-renn for kvar utøvar.

Det er også lagt inn at krinsen forskotterer startkontingent i samband med desse renna.

Årsbudsjettert resultat på dette prosjektet er kr. – kr. 15 000,-.

Samlingar/ krinslag

Samlingane er budsjettert i høve til alpinkomiteen sitt sportslege opplegg i 2019. Vidare er det budsjettert med innkjøp av nødvendig sportsleg utstyr til komiteen med kr. 20 000,-.

Årsbudsjettert resultat på dette prosjektet er kr. – 300 000,-.

Alpinkomiteen

Til møteverksemd i alpinkomiteen er det sett av kr. 11 000,-.

HOPP- OG KOMBINERTKOMITEEN

Hopp- og kombinertkomiteen sitt budsjett balanserer med kr. 57 500,- i driftsinntekter og kr. 57 500,- i driftskostnader.

Drift komité

Det er budsjettert med kr. 50 000,- i overføring av markedsinntekter jf. samarbeidsavtalen med SFE.

I samband med drift av SFE-bakken er det budsjettert med reisekostnader på kr. 4 000,-

Det er også lagt inn kr 5 000,- i lisensar/ rennavgifter.

Årsbudsjettert resultat på dette prosjektet er kr. 46 000,-.

Jr. NM

Det er ikkje budsjettert med utøvarar til Jr. NM i 2020 frå Sogn og Fjordane.

HL/ «Solan Gundersen»

Ifbm. Hovudlandsrennet/ «Solan Gundersen» er det budsjettert med kostnader på til saman kr. 13 000,-.

Årsbudsjettert resultat på dette prosjektet er kr. – 13 000,-

Cup

I samband med SFEhopp cup er det budsjettert med kjøp av premiar på kr. 5 000,- .

Årsbudsjettert resultat på dette prosjektet er kr. – 5 000,-.

Rekrutteringsprosjekt i hopp – « Fannemel-effekten»

Det er budsjettert med rekrutteringsprosjekt i hopp.

Det er ikkje budsjettert med inntekter.

Årsbudsjettert resultat på dette prosjektet er kr. – 22 000,-.

Hopp- og kombinertkomiteen

Til møteverksemd i komiteen er det sett av kr. 6 000,-.

LANGRENNSKOMITEEN

Langrennskomiteen sitt budsjett balanserer med kr. 1 526 800,- i driftsinntekter og kr. 1 526 800,- i driftskostnader.

Drift komité

Det er budsjettert med kr 356 800 i overføring av markedsinntekter jf. samarbeidsavtalane med Sparebanken Sogn og Fjordane og SFE.

Vidare er det budsjettert med kr 50 000,- i lisensar/ rennavgifter, tilsvarende nivå som budsjett for 2019.

Årsbudsjettert resultat på dette prosjektet er kr. 425 800,-.

Sommarskiskule og Langrennskurs (sommarski)

Rekneskap for desse prosjekta vart frå 2019 overført LK (tidlegare har LK fått overført eit evt. overskot).

Det er budsjettert med at prosjekta totaltsett skal balansere.

Inntektene for sommarskiskulen er relatert til deltakaravgifter, medan kostnadane er relatert til honorar og reisekostnader til trenarar, kost og losji m.m.

Inntektene for trenarkursa er relatert til kursinntekter og vidarefakturering, medan kostnadane er relatert til honorar og reisekostnader til kurslærer, kost og losji m.m.

NM, jr. NM og HL

Ifbm. NM, jr. NM og Hovudlandsrennet er det budsjettert at ein dekkjer reise- og opphald for støtteapparat og kostnader med smørebod. Det er i tillegg budsjettert med ein andel refusjonar i samband med desse arrangementa. Det er også budsjettert med eit honorar for hovudleiar.

Årsbudsjettert resultat på desse prosjekta er samla kr. – 118 000,-.

Cup/ SSF Cup

Ibhm. SSF Cupen er det m.a. budsjettert med kr 35 000,- i kjøp av premiar, i tillegg til noko diverse kostnader.

Årsbudsjettert resultat på dette prosjektet er kr. – 42 000,-.

FIS-renn

I samband med renna i Norgescupen er det budsjettert at komiteen dekkjer reise, opphald og honorar for 2 hovudleiar på NC jr. I tillegg overnatting for 4 i støtteapparat (kvart arrangement) på NC jr.

På NC sr. er det budsjettert ein mindre andel, då det er gjort avtale med andre kretsar om at aktuelle løparar får ta del i deira fellesopplegg.

Det er også budsjettert med ein andel refusjonar i samband med desse arrangementa.

Årsbudsjettert resultat på dette prosjektet er kr. – 120 000,-.

Krinslag

På krinslaget er det budsjettert med kr. 330 000,- i årskontingent (krinslagskontingent), om lag same nivå som budsjettet for 2019 syner.

Vidare er det m.a. budsjettert med kr 125 000,- i kjøp av klede og kr. 190 000,- i overnatting i samband med samlingar.

Årsbudsjettert resultat på dette prosjektet er kr. – 138 000,-.

Langrennskomiteen

Til møteverksemd i langrennskomiteen er det sett av kr. 7 800,-.

GENERELL SLUTTKOMMENTAR

Adm. sitt framlegg til rammer for budsjett må reviderast 1. kvartal 2020.

I tillegg kan det vere aktuelt med diverse avsetningar frå 2019 til 2020, m.a.o. må budsjettet oppdaterast når Skikrinsstyret gjer endeleg vedtak om evt. avsetningar.

Det blir lagt opp til at vedtak om evt. avsetningar skal gjerast i samband med styremøte i januar/februar 2020, når arbeidet med rekneskapen for 2019 er slutført.

VEDTAK

Skikrinsstyret vedtek rammene for budsjettet 2020, og gjer vidare vedtak om at budsjettet skal reviderast 1. kvartal 2020.

SAK 36 19-21

Møteplan 1. halvår 2020

Bakgrunn

Skikrinsstyret fastset møteplan 1. halvår 2020.

VEDTAK

Skikrinsstyret gjer følgjande vedtak om møteplan for 1. halvår 2020;

Onsdag 5. februar 2020, Skei
Holmenkollen 6.-8. mars 2020 (tur for Skikrinsstyret)
Måndag 20. april 2020, Skei

RAPPORTERING

SAK 37 19-21

Rekneskapsrapport pr. 21.11.2019

Bakgrunn

Rekneskap pr. 21.11.2019 er vedlagt.
Adm. la fram rapporten i møtet.

Nøkkeltal pr. 21.11.2019:

| SFSK Driftsinnt. totalt | SFSK Driftskost. totalt | SFSK Resultat | SFSK Årsbudsjett |
|-------------------------|-------------------------|-----------------|------------------|
| Kr 3 469 933,- | Kr 3 103 625,- | Kr 366 309,- | Kr 0,00 |
| AU Driftsinnt. totalt | AU Driftskost. totalt | AU Resultat | AU Årsbudsjett |
| Kr 850 936,- | Kr 627 045,- | Kr 223 891,- | Kr 0,00 |
| AK Driftsinnt. totalt | AK Driftskost. totalt | AK Resultat | AK Årsbudsjett |
| Kr 971 331,- | Kr 894 304,- | Kr 77 027,- | Kr 0,00 |
| HKK Driftsinnt. totalt | HKK Driftskost. totalt | HKK Resultat | HKK Årsbudsjett |
| Kr 50 220,- | Kr 35 817,- | Kr 14 403,- | Kr 0,00 |
| LK Driftsinnt. totalt | LK Driftskost. totalt | LK Resultat pr. | LK Årsbudsjett |
| Kr 1 597 446,- | Kr 1 546 459,- | Kr 50 988,- | Kr 0,00 |

VEDTAK

Skikrinsstyret tek rapporten til orientering, og presentasjon til saka er vedlagt.

ORIENTERINGSSAKER

SAK 38 19-21

Sogn og Fjordane-leikane

Bakgrunn

Skikrinsen sitt arrangement Sogn og Fjordane-leikane skal avviklast i Sogndal Skisenter (Hodlekve) 1. februar 2020.

Informasjon om arrangementet er publisert på skikrinsen sine nettsider;
<https://www.skiforbundet.no/sogn-og-fjordane/nyhetsarkiv/2019/11/sogn-og-fjordane-leikane/>

Arrangementet er implementert i greinkomiteane sine terminlister med rennfri helg. I tillegg vil det bli lagt opp til greinvise breiddesamlingar for unge utøvarar i samband med arrangementhelga.

Tonje T. og adm. orienterte i møtet om status for Sogn og Fjordane-leikane, m.a. om følgjande punkt;

- Tilrettelegging i skianlegget
- Bidrag frå ressurspersonar
- Bidrag frå greinkomiteane/-miljøa

VEDTAK

Skikrinsstyret tek saka til orientering.

SAK 39 19-21

Utedagen 2020

Bakgrunn

Skikrinsen sitt prosjekt *Utedagen* vert vidareført kommande vinter.

Det er søkt Sogn og Fjordane fylkeskommune om prosjektmidlar. P.t. har ein ikkje fått svar på om fylkeskommunen støttar prosjektet med økonomiske midlar. Det er likevel økonomisk grunnlag for å starte prosjektet med restmidlar frå *Utedagen 2019*.

Rapport for *Utedagen 2019* og søknad til *Utedagen 2020*, som er sendt fylkeskommunen, er lagt ved som eige vedlegg.

Invitasjon om deltaking i prosjektet vart sendt grunnskular i Sogn og Fjordane i veke 47, i tillegg vart informasjon sendt til skigruppene.

Informasjon om *Utedagen 2020* er også publisert på skikrinsen sine nettsider;

<https://www.skiforbundet.no/sogn-og-fjordane/nyhetsarkiv/2019/11/utedagen-2020/>

Vidare skal prosjektet legge til rette for praktiske fagøktar på ski for kroppsøvlingslærarar og andre aktuelle lærarar i grunnskulen i Sogn og Fjordane, samt aktuelle instruktørar i idrettslaga. Fagøktene er p.t. uavklart mtp. ressurspersonar.

Elise Skeide Bakke vil følge opp prosjektet kommande vinter.

VEDTAK

Skikrinsstyret tek saka til orientering.

SAK 40 19-21

Utstyrspakke skileik

Skikrinsen har fått innvilga kr. 100 000,- frå Sparebankstiftinga til prosjektet *Utstyrspakke skileik*.

Gjennom prosjektet *Utstyrspakke skileik* vil skigrupper kunne søke skikrinsen om å få ein utstyrspakke til bruk i sin skiaktivitet. I tillegg vil dei få tilbod om klubbesek frå skikrinsen, der ein får gode aktivitetstips i bruk av utstyret.

Informasjon om til skigruppene er publisert på skikrinsen sine nettsider; <https://www.skiforbundet.no/sogn-og-fjordane/nyhetsarkiv/2019/11/sok-om-utstyrspakke-skileik/>

Søknadsfrist er 10. desember 2019.

Søknadane vil bli handsama av adm. i samråd med Skikrinsstyret.

Følgjande kriteria vil ligge til grunn i handsaming av søknader:

- vil kunne gi særleg effekt for rekruttering i skigruppa
- skigrupper i alle sonene (Sogn, Sunnfjord, Nordfjord) representert i tildelinga
- sambruk på tvers av greiner i skigruppa/ til bruk for generell skiaktivitet

VEDTAK

Skikrinsstyret tek saka til orientering.

SAK 41 19-21

Fylkeskommunalt driftstilskot til skianlegg

Bakgrunn

I 2000 tok Kulturdepartementet bort nemninga fylkesidrettsanlegg, og ordninga med driftsstønad vart lagt om, m.a. for å følgje opp mål og intensjonar om å stimulere til aktivitet og frivillig arbeid.

Med driftstilskotet vil fylkeskommunen stimulere til frivillig arbeid, fokusere på aktivitet og utløyse større kommunale driftstilskot til anlegg med omfattande frivillig drift.

Det vert i prinsippet gitt stønad til eit anlegg i same region (Sogn, Sunnfjord og Nordfjord).

Dei seinare åra har storleiken på det fylkeskommunale driftstilskotet samla vore på kr. 200 000,-. Tilskotet vert fastsett av hovudutval for næring og kultur ved budsjetthandsaminga kvart år.

Følgjande anlegg er prioritert for fylkeskommunalt driftstilskot:

- Ullsheim Skisenter (langrenn/ skiskyting)
- Nordfjord Fritidssenter (hopp)
- Langeland Skisenter (langrenn)
- «Ski i Sogn», Sogn Skisenter og Sogndal Skisenter (alpint/ langrenn)

Adm. og Hallvard N. (leiar av anleggsutvalet) har prøvd å få til eit møte med fylkeskommunen for å bli orientert om kva som vil skje med ordninga når ein går over til Vestland fylkeskommune frå 01.01.2020.

Saka vart orienterte om i møtet.

VEDTAK

Skikrinsstyret tek saka til orientering.

SAK 42 19-21

Idrettsordningar på vidaregåande skule

Bakgrunn

Skikrinsen har tidlegare komme med innspel til Idrettskrinsen i vidare arbeid med idrettsordningar for potensielle toppidrettsutøvarar på vidaregåande skule i nye Vestland fylke. Jf. Sak 21 19-21 i møte nr. 01 i Skikrinsstyret.

Adm. har etterspurt administrasjon i Idrettskrinsen om status i vidare arbeid for ordningane inn mot fylkeskommunen, men har ikkje fått ny informasjon.

VEDTAK



Skikrinsstyret tek saka til orientering, og gjer vidare vedtak om at adm. og styreleiar følgjer opp saka med Idrettskrinsen.

EVENTUELT

Med venleg helsing
Sogn og Fjordane Skikrins

Finn Årdal (s)
Styreleiar

Ingrid Narum (s)
Adm. sjef